



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt III. Neapolitani regni vectigal à Pontifice recusatum. Aduentus Romam Heluetiorum. Palianum à Marco Antonio Columna absessum. Prælium Ecclesiasticis improsperum. Regis mandata Guisio tradita, ...

urn:nbn:de:hbz:466:1-11665

1557.

stat ut repetamus quæ contigere Romæ, & in bello: quod ut asperum, sed necessarium nonnumquam instrumentum est ad honestam pacem consequendam; ita horridum, sed interdum necessarium argumentum est ad historiam texendam, de pacificis operibus ex instituto scribenti.

C A P V T III.

Neapolitani regni vestigia à Pontifice recuperatum. Aduentus Romam Helvetiorum. Palianum à Marco Antonio Columna obsecsum. Prælium Ecclesiasticis improsperum. Regis mandata Guisio tradita, ut Pontifici opitulaturus assisteret. Eius profectio Tybur, & Proregis Soram. Reportata ad Sanctum Quintinum ab Hispanis de Gallis Victoria. Conditiones pacis propositæ à Cardinali Sanctæ Flora, & à Prorege reiectæ. Eius consilium Romæ improviso occupandæ, sed irritum. Ministri Senatus Veneti & Ducis Florentini ad concordiam missi. Eorum opera inter Caraffam Cardinalem & Proregem colloquium.

¹ **A**ppropinquante Principum Apostolorum festo die, quo regni Neapolitani vestigia Pontifici pendi debet, obtulit Prorex per Cardinalem Sancti Iacobi, patrum suum, se debito satisfactum, vbi Pontifex tributum acciperet. Idcirco generalis Purpuratorum conuentus habitus ^a. Cumque aliqui auctores es-
sent ut acciperetur, sed cum contestatione, & ita ut fraudi non es-
set deuoluta ad Pontificem beneficiariæ regni possessioni, ridicu-
lum aliis visum est, quod beneficiarius vlo pacto agnosceretur is,
qui re ipsa terras supremi Domini occupabat, & in quem idem su-
prenus Dominus tamquam in perduellem bellum gerebat: nul-
lum conspici detrimentum in repudiando tributo; quin potius
maiorem dignitatem & securitatem. Atque ita effectum est: sed

^a Acta Con-
fessor. 19. Ju-
nij 1557.

² Paulò post tria Helvetiorum millia Romanam peruenere 20. Iulij.
Neque Pontifex à quavis siue honoris siue amoris significatione se
abstinuit, quod illos impelleret ad operam sibi nauandam, amicorum
sollicitudine strenuam, non mercenariorum incuria languidam.
Quoniam autem Marcus Antonius Columna, post alia illata damna,
messem circa Palianum prædatus fuerat, oppido ad extremas
angustias penuriamque redacto, eius recuperandi ardenter cupidus,

^b Acta Con-
fessor. 25. O-
ctob. 1557.

Rrr 3

non

1557. non solum ad emolumentum suum, sed ad occupantium detrimentum eō Heluetij missi, vt vñā cum reliquis copiis Pontificis conarentur hostem exultantem coērcere, & obſefforum angustias relaxare. Sed res eō deuenit, vt die 27. illius mensis commiſſio prælio, quamquam Heluetiorum virtus emicuſſet, victoria penes Columnam fuerit, qui validius quām glorioſius ensem in Eccleſiam viibrans, eum Diuino confilio acuebat ignorans, vt exerceret poſta in ampliori theatro, celsiorique dignitate pro Eccleſia, renouatā veterum triumphorum lātitiā in ea vrbe, quā tunc extimescebat ne ab eo recentium direptionum calamitas renouaretur.

Respirarunt à metu Romani aduentu Guisij, qui Petri Strozzi reditu acceperat à Rege mandata, vt affiſſeret tutelā Pontificis, cui nouae & validae ſuppetitiæ celeriter promittebantur. Quare Guisius relictō Piceno Tybur accessit, vt quaſi aggerem Romæ præderet; & Albanus vicifim cum suis copiis Soram fe contulit, vt Columnæ auxilia ſuppeditaret.

In eo rerum statu 23. Auguſti nuntij eiusmodi Romam delati sunt, qui ſpem omnem deiecerunt; ſed animi celſitatem in Paulo, ſiue, vt aiebant alij, elationem deicere non potuere. Nuntiatum enim eſt, collatis inter Hispanos & Gallos signis apud S. Quintinum, Veromandurom olim, nunc Picardia oppidum, à Gallis immanem cladem acceptam. Hinc Rex neceſſitate compulſus Guisium cum exercitu reuocabat ad ſe tuendum; permittebatque Pontificis arbitrio, vt cum hoſtibus quācumque vellet ratione concordaret. Hunc lātissimum nuntium ab ijsipsis aduersariis Prorex accepit. Etenim permifſu Pontificis rem illi nuntiauit Cardinalis Sanctæ Floræ per Alexandrum Placidum, qui ſibi à ſecretis erat, & quaſi strenas ab eo pacem petiit, iisdem conditionibus oblatis, quz Septembri proximè ſuperiori fuerant propositæ, cum ille panter fortunā ſatis proſperā vtebatur. Sed Prorex elatutam felici rerum euentu, eas per contemptum & iracundiam repudiauit, conqueſtus cum Cardinali, quod amorem in Regem professus id tibi confidaret. Quin aſſeuerauit, nolle ſe pacificationi conſentire, niſi Paſtus erratum ſuum fateretur in ſtatuendo foedere cum hoſtibus Regis Catholici, ſuamque iniuſtitiam in diuexandis hominibus Regi addictis; & niſi iisdem omnem libertatem, honorem arque pecuniā reſtituiffet. Pontifex ē contrario affirmabat, Se prius ad ſubeundam mortem, quām ad hoc dedecus Pontificia Maiestatis eſſe paratum.

Decreuerat Prorex silentio Romam accedere, camque, quippe impa-

imparatam ac deterritam, per noctis tenebras & soporem inuadere, sperans improuiso impetu se illâ potiturum; & hac de causa post rejectas conditiones ad vrbem cum copiis appropinquauit quingen-
tis propè passibus præmisso Ascanio Corneo , aliisque militum præfectis , vt proprius explorarent, quis esset vrbis status. Sed aliis alia nuntiantibus, & iis qui auctoritate pollebant affirmantibus, vr-
bem vigiliis paratoque milite custodiri, noluit rem tantam aggredi.

⁶ Suaus, qui in hac vniuersa narratione tantummodo extimam terum notitiam præ se fert, multisque in locis labitur, à me, quod parum intersint, prætermisss, hinc affirmat, Albano rem prosperè cœlluram fuisse, nisi defecisset illi animus, cuius defectui communiter adscriptum fuisse, quod ab incepto destiterit. Perinde quasi Momus iste de aliquo Terpsite loqueretur, non de belli Duce, clarissimo inter eos qui sæculo superiori floruerunt, sæculo videlicet & in hac & ferè in quavis alia nobilium artium gloriâ nulli sæculorum secundo. Quânam ausus ille est narrare hanc opinionem tamquam communem, quando latere ipsum non poterat Commentarius Na-
uageri, qui tunc Romæ aderat Orator, quique, commemoratis variis ea de re sententiis, nihil scripsit de hac credita animi penuria, duasque præterea sententias refert, quas hinc apponemus? Id igitur quod reuerâ Albanum ab incepto remouerit, dicunt aliqui fuisse pietatem; ne infamem Borbonij victoriam ipse renouaret. Potissimè vero, quoniam cum apud se statuisset vrbem quidem occupare, quod Paulum suâ custodiâ coerceret, sed eamdem à direptione subtrahe-
re, adeoque bina stipendia pollicitus militem astrinxisset, vt ab ea direptione se abstineret; cognovit Germanos conspirasse, ad præ-
dæ utilitatem datæ fidei iniunctoque vetito antehabendam: vnde pius imperator eo magis ab aggressione abhorruit. Nec equidem hanc illi laudem negauerim: sed alteram etiam rei causam compe-
tio, quod is consilium illud nimis obnoxium discrimini prudenter & ex vero existimauit; suspicatus fieri posse, vt fortis aliquis pro-
pugnatorum globus, quos propinquæ Strozzi & Guiti copiæ fortasse suppeditassent, iniquo in situ ipsum adorirentur, ibique stragem suorum ederent, cum existimationis conditionisque potio-
ris tactura. Dixi non solum prudenter, sed etiam ex vero; nam pro eo ac omnes Oratores sunt simul exploratores, Placidus, è Proregis ca-
stris regressus, exposuerat, obseruata à se fuisse quædam indicia me-
morati consilij: quapropter eam nocte, quam rei tentandæ destinarat Albanus, & quâ suis à ducibus vrbis statum speculandum curau-
rat, verum fuit id quod Ascanius Corneus, aliquique cum eo renun-
tiarunt,

1557.

tiarunt, conspici suspicionis & apparatus argumenta: perpetuò siquidem sunt actæ vigiliæ, & in armis militari diligentia perficitum; & Caraffa Cardinalis paratas semper ac ritè instructas custodias habuit, per urbem ad lucem usque in equo discurrens.

Iterum nec leuiter Suavis labi videtur, quasi deserto ante initam pacem Pontifice Guisius discesserit; cum ex opposito is Romæ persistenter usque ad 19. Septembris, quo die, ab inita concordia quinto, urbem ingressus est Albanus Pontificem veneraturus; ea vero Guisij mora haud modico fuit pactionibus emolumento, quemadmodum patebit.

Quare Pontifex intentus pacificationi, quæ sibi citra iacturam ac dedecus quietem ac securitatem pareret, ad operam Venetæ Republicæ conuertit animum; optime gnarus, quantum illa & communis & propriæ vtilitatis studio pacem & ius Italiæ cuperet, ita ut nullius potentia Principis alteri aut eriperet suum, aut admireret libertatem imperandi in suo. Ad id usus est Pontifex Triuultio, quem paulò antè inter Purpuratos cooptarat, sicuti dictum est, quique nondum Venetiis discesserat. Ac planè Philippus Rex, veritus patriter, ne recens ad S. Quintinum victoria potuisset ob suspicionem aduersum se commouere Principes sponte suâ neutrò propenfis, pluribus per eam sibi auctis quam occisis hostibus, perinde ac in victria Ticinensi, aliisque similibus euenerat, ad eum Senatum legat Franciscum à Valentia, ex S. Ioannis equitibus, qui prosperum euentum prælii, simulque moderati animi sui consilium significaret, nimirum, se ad amplificandam ditionem suam nequaquam asperare; quin tunc vel cum maximè paratum se offerre ad restituendas Pontifici terras occupatas, ubi is per æquas pactiones ad quietem Italiam conspiraret. Idcirco statuit Senatus Venetus ad id transigendum mittere Franciscum Frumentum, unum ex iis qui sibi erant à secretis. Nec minori sollicitudine idem promoturus Averanus Mediceus missus est à Florentiæ Duce, cuius nimirum interrat teneras adhuc sui Principatus radices tepercō pacis fouere. Vtriusque administrī cohortationibus inexpugnabilis obsurdelabat Albanus, cui nimis absconum videbatur, sibi, illud virium fortunæque fastigium supergresso, concordandum esse per æqualitatem conditionum, nullo ex reportatis victoriis excerpto fructu. Sed à conciliatoribus ostensum illi est, tunc hostem maximè formidabilem euadere, cum idem ex victoris potentia simul ac duritate in desperationem præceps ruit: in comperto esse, Pauli ingenium vehemens, & frangi nescium: quâ rerum peruersione perturbaret dictionem.

e Vita Com-
mendoni
Card. manu-
scripta ab
Antonio Ma-
ria Gratia-
no.

ditiones Regis & Italiam, si, quod missitabat, re conficeret, tutum in locum se conferens, & relictis custodiæ Gallorum, & præsentis adhuc Guisij, Româ & reliquis vrbibus Ecclesiastici principatus. Non esse putandum, id ex eo non futurum, quod Pontifici perniciosem illud ipsum agnosceretur. Non semper homines prudenter agere: sçpè commotionem animi & iracundiam potissimè quandam esse furoris genus, quod homini tamquam ingens bonum proponit ingens detrimentū, modò id vehementer lædentem lædat. Hæ rationes, adiecto robore & auctoritate sequestrorum (qui si repulsam tulissent, poterant per suspiciones alienari, ac tandem in aduersarios commutari) Albanum pertraxerunt, ut ad colloquium cum Caraffa Cardinali veniret ad Cauas, oppidum Columnenium, à Prorege occupatum. Edò igitur Caraffa se contulit octauo Septembbris, Cardinalibus Sanctæ Floræ ac Vitellio comitantibus: cùm par esset, vtille spiritus flammam extingueret, qui eam excitarat & aluerat.

C A P V T I V.

Duplex pactionum forma, altera publica, altera arcana, à Caraffa Cardinali ac Prorege confecta. Huius Romam aduentus, & quo pacto à Pontifice idem exceptus. Guisij profectio. Legationes destinatae, Caraffa ad Philippum Regem, & Triuulsi ad Henricum.

REI difficultas in causa Marci Antonij Columnæ vertebatur. Etenim Pontifex obfirmato erat animo, ne illum, aliosque subditos suos iam proscriptos, pacificatio complecteretur. ^a Fuisse vtrumque notum Pontifici, colligitur præter alia ex litteris Ducis Palianii ad Caraffam Cardinalem per eos dies, apud Pamphilios.

Albanus contrà ignominia ducebat Regi, si etiam post victoriam præcipuæ belli causæ omnino cederet. Post longam altercationem dux pactionum formæ compositæ (quod ignorauit Suauis) altera publica, occulta altera, vtraque Pontifici nota; sed occulta ^b usque adeò ab illo dissimulata, vt ne Vitellio quidem illius se consciū indicare voluerit. Concordiam igitur inierunt Caraffa & Albanus, pro amplissimis facultatibus, quas Cardinali signarat Pontifex ^b eodem die octauo Septembbris, & Albano Rex 26. Iulij eiusdem anni 1557. Pacta verò eam præ se tulerunt indemnitatē tum rei tum existimationis Pontificiæ, vt ex ipsorum tenore, sicuti Suauis ipse fateri cogitur, nihil ille minus quam bello victus videri potuerit. Tam forte formidatumque tegumen Pontificibus superest, tametsi cetera indefensis, S. Petri paludamentum; & usque adeò fal-

Pars II.

S ff

sus

^a Fuisse vtrumque notum Pontifici, colligitur præter alia ex litteris Ducis Palianii ad Caraffam Cardinalem per eos dies, apud Pamphilios.
^b Exstant in monumentis apud Burghesios, ubi etiam pactiones publicæ & arcane insunt.